

# In oberer schnit mit ainnem Abziehen

123

15



**S**tem wann du mit dem **Z**ufechten zu dem azam  
kempst so schick dich also mit dem oberen schnit steem mit deinem rechten fuoß vor vnd hawm  
mit ainnem gestrecktem oberer haw nach seinem haupt schneid im dannit nach seinem  
ansicht begeret **E**r dich also zu schneiden so tritt mit deinem rechten fuoß hinein vnd ver-  
scheub im den schnit mit deiner langen schneid indes greif mit deiner linken hand vorne  
im deinem **D**usagen vnd mit deinem **V**erfall im arm seinen hals **D**eiss im dannit  
zu dir indes volg mit deinem linken schenckel hin nach so magstu zu werffen begeret er dich  
also zu werffen so tritt mit deinem rechten fuoß zu ruckh vnd kum mit deiner linken hand  
deinem dusagen zu hilff vnd schneid im also mit der sterckh von dir so wirstu des wuerffs ledig  
indes spreim widerumb hinein vnd hawm mit ain schaitler zu seinem haupt verseyt er  
dir das so heng auf dem linken seitten vnd hawm zwifach widerumb lang oben ein hawt er  
dir also zwifach oben ein so wind dich vnder seinem haw durch mit deinem **D**usagen wol  
uber dein hawpt im gute verfassung vnd thu sam wollest du im oben ein hawen vnd stich im  
nach seinem gesicht